



Broj: 02-04-1014/23

Trnovo; 14.4.2023. godine

Općinski načelnik u postupku javne nabavke usluga – Održavanje javne rasvjete, postupajući po žalbi ponuđača SES d.o.o. Sarajevo, Bačići 11., na osnovu člana 100. stav (3) Zakona o javnim nabavkama („Službeni glasnik BiH“, broj 39/14) i člana 200. Zakona o upravnom postupku („Službene novine FBiH“, broj 2/98 i 48/99), d o n o s i:

RJEŠENJE

USVAJA SE žalba ponuđača SES d.o.o. Sarajevo, Bačići 11, broj: 102-DO-10/23 od 11.04.2023. godine na Odluku o izboru najpovoljnijeg ponuđača za nabavku usluga, broj: 02-04-1014/23 od 03.04.2023. godine.

PONIŠTAVA se postupak javne nabavke usluga – Održavanje javne rasvjete iz razloga što nakon ponovnog pregleda i ocjene ponuda nijedna od primljenih ponuda nije prihvatljiva.

O b r a z l o ž e n j e

Dana 12.04.2023. godine, ponuđač SES d.o.o. Sarajevo, Bačići 11, uložio je žalbu na Odluku o izboru najpovoljnijeg ponuđača za nabavku usluga, broj: 02-04-1014/23 od 03.04.2023. godine. Postupajući po predmetnoj žalbi, ovaj organ je utvrdio slijedeće:

Postupak javne nabavke pokrenut je Odlukom o pokretanju postupka javne nabavke broj: 02-04-1014/23 od 9.3.2023. godine. Javna nabavka je provedena putem konkurentskog zahtjeva za dostavu ponuda. Tenderska dokumentacija objavljena na portalu Portalu javnih nabavki dana 16.3.2023. godine. Obavještenje o nabavci objavljeno u Službenom glasniku BIH. U predmetnom postupku javne nabavke zaprimjene su tri ponude. Utvrđeno je da su ponude SES d.o.o. Sarajevo, Bačići 11 i Tesaluks d.o.o. Sarajevo, Milana Preloga 12A/III prihvatljive, a da je ponuda Energomatika d.o.o. Foča odbačena zbog nepravilnosti iz razloga koji su u ranijoj fazi postupka obrazloženi.

Dana 12.04.2023. godine zaprimljena je žalba na Odluku o izboru najpovoljnijeg ponuđača za nabavku usluga, broj: 02-04-1014/23 od 03.04.2023. godine u kojoj žalioac ističe nekoliko navoda zbog kojih smatra da ponuda ponuđača Tesaluks d.o.o. mora biti odbačena kao nepravilna, te daljnji postupak nastaviti bez ponuđača Tesaluks d.o.o. Sarajevo odnosno traži poništenje e-aukcije i dodjelu ugovora firmi SES d.o.o. Sarajevo po početnoj dostavljenoj cijeni.

Žalba je blagovremena, dopuštena i izjavljena od ovlaštenog lica.

Postupajući po navodima žalbe, ovaj organ se ponovno upustio u ocjenu i pregled ponuda, te je našao da se ima uvažiti jedan od navoda iskazan u žalbi, a rukovodeći se ovlaštenjima datim u članu 100. stav (3) Zakona o javnim nabavkama je poništio postupak javne nabavke. Naime, u žalbi žalioac navodi da uvidom u ponudu ponuđača Tesaluks d.o.o. Sarajevo je utvrđeno da su potvrde o uspješnoj realizaciji ugovora izdate za izvođenje radova, a ne izvođenje usluga, kako je zahtjevano u tenderskoj dokumentaciji. Također navodi se da je ponuđač Tesaluks d.o.o. bio član konzorcija, te nigdje u potvrdi nije navedeno koliki je udio u poslovima koje su radili.

Tenderskom dokumentacijom broj: 02-04-1014/23 od 16.03.2023. godine pod 12. tačka b) **Tehnička i profesionalna sposobnost**, propisano je slijedeće:

„Uslov: Da je ponuđač u periodu od posljednje 3 godine ili od datuma registracije (ako je ponuđač registrovan, odnosno počeo sa radom prije manje od 3 godine, računajući od dana objave tenderske dokumentacije na portalu javnih nabavki) uredno izvršio ugovor/ugovore iz predmeta nabavke.

Dokaz: Spisak o uredno izvršenim ugovorima iz predmeta nabavke.

U svrhu dokazivanja tehničke i profesionalne sposobnosti ponuđač je dužan dostaviti spisak izvršenih ugovora, čija je složenost ista ili slična predmetnim uslugama u posljednje 3 godine, uz potvrdu koju daje druga ugovorna strana o uspješnoj realizaciji jednog ugovora minimalne vrijednosti 15.000,00 KM bez PDV-a na poslovima u vezi s predmetom nabavke u posljednje tri godine računajući od dana objave TD na portalu javnih nabavki.

U ponudi broj: 01-27-03/23 od 27.03.2023.godine ponuđač Teslaluks d.o.o. Sarajevo, Milana Preloga 12A/III dostavio je potvrdu o uspješnoj realizaciji Ugovora broj: 01-04-21-18-1944/22 od 18.08.2023.godine i ista se odnosi na izvođenje radova. Osim navedene potvrde, ponuđač Teslaluks d.o.o. Sarajevo je dostavio još jednu potvrdu o uspješnoj realizaciji ugovora broj: 01/1-11-346/23 od 07.02.2023. godine koja se također odnosi na izvođenje radova, ne i izvođenje usluga. Shodno naprijed navedenom utvrđeno je da je žalbeni navod u ovom dijelu, osnovan.

Daljim ponovnim pregledom ponuda, utvrđeno je da je ponuđač SES d.o.o. Sarajevo, Bačići 11 u ponudi broj: 79/23 od 21.03.2023. godine, dostavio potvrdu broj: 08-11-8-10839/2022 od 22.11.2023. godine o uspješnoj realizaciji ugovora, koja se također odnosi na izvođenje radova, ali ne na izvođenje usluga. Imajući u vidu naprijed navedeno, a na osnovu člana 69. stav (2) tačka d) Zakona o javnim nabavkama, nijedna od primljenih ponuda nije prihvatljiva i ugovorni organ poništava postupak javne nabavke.

POUKA O PRAVNOM LIJEKU: Protiv ovog rješenja može se izjaviti žalba Uredu za razmatranje žalbi putem ovog organa, u roku od 5 dana od dana dostavljanja ovog rješenja.

Izradio: Adel Koso



Kontrolisao: Osman Smječanin



Dostavljeno:

1. Ponuđačima
2. a/a

